

CARNAVAL DE VENEZIA



O Carnaval de Venecia é un dos máis famosos e antigos do mundo. É a festa máis popular da cidade. A palabra “carnaval” aparece por primeira vez na historia de Venecia nun documento do ano 1094.



Neses anos, o carnaval foi creado como unha diversión para concederlle ao pobo (aos cidadáns) uns días de descanso. Mentres duraba o entroido a xente sentíase toda igual porque , ao levar máscaras, ninguén podía ser identificado. As persoas sentíanse máis libres.

Aínda que actualmente o carnaval de Venecia ten unha duración de 10 días, durante o século XVIII (dezaeito), a celebración duraba ata seis meses: desde outubro ata os primeiros días de marzo.

VOO DO ANXO

Esta tradición é a que dá comezo oficialmente ao Carnaval de Venecia na súa famosa *Praza de San Marcos*. Antigamente lanzábase unha pomba de metal dende o máis alto do *Campanil de San Marcos* ata a praza por unha corda pero, dende hai anos, esta tradición foi substituída por unha persoa. Esta acróbata, unha muller, descende dende os máis de 80 metros do alto da torre lanzando aos espectadores papel picado ou pequenos agasallos .



AS DOCE MARÍAS

No século X (dez) era costume bendicir a doce fermosas mozas que estaban a piques de casar. Un ano, as elixidas foron secuestradas por un grupo de piratas. A cidade alzouse en armas e rescatou ás mozas. Dende aquela creouse esta celebración para conmemorar a vitoria sobre os piratas. Doce mozas desfilan polas rúas da cidade vestindo traxes tradicionais venecianos.



MÁSCARAS E DISFRACES

As máscaras son as grandes protagonistas do entroido en Venecia. Dende a clásica máscara branca que despois se pinta de prata e ouro ata as formas de animais máis atrevidas. Existe unha amplísima variedade de opcións.



MÁSCARA BAUTA

Unha das máscaras máis comúns é a **Bauta**. É branca e cobre toda a cara. Lévana tanto homes como mulleres. O disfrace complétase levando posto tamén un chapeu * tricornio negro e unha capa escura.



MÁSCARA PICUDA

Unha das máis populares, sen dúbida, é a **picuda** máscara que os médicos utilizaban na Idade Media para evitar contaxiarse da peste.

* chapeu = sombreiro

Os disfraces acostuman ser moi elaborados e vistosos, de vivas cores.



Ademais de celebrarse o carnaval polas rúas e polas prazas da cidade, tamén se celebran festas privadas de luxo en casas privadas e palacetes. Para poder asistir a estas festas privadas necesítase unha invitación persoal que acostuman ser moi caras.

Fritelli e Galani

Así se coñecen en Venecia a dous dos doces máis típicos do entroido .Os **fritelle** son bolos de vento recheos, tradicionalmente, de nata ou crema, e os **galani** son tiras de masa frita recubertas de azucre.



1. Marca as afirmacións correctas.

- ☐ O carnaval de Venecia é un dos máis antigos e famosos do mundo.
- ☐ O carnaval de Venecia foi creado para que a xente non fose identificada.
- ☐ Coas máscaras, as persoas sentíanse máis libres.
- ☐ A tradición do “voo do anxo” está representada por un home.
- ☐ Na Praza de San Marcos é onde se da comezo oficialmente ao carnaval de Venecia.
- ☐ As doce Marías son doce mozas que son irmás.
- ☐ A máscara Bauta é negra e cobre toda a cara.
- ☐ Os médicos utilizaban a máscara Picuda para non coller a peste.
- ☐ Os disfraces adoitan ser moi coloridos.
- ☐ O carnaval veneciano só se celebra nas rúas e nas prazas da cidade.
- ☐ O fritelle e o galani son dous periódicos típicos venecianos.

2. Que doces son típicos do carnaval de Venecia?

3. Canto dura o carnaval veneciano hoxe en día?